

A R C H A K A L

Gwerz ramngalonuz war don hini Kêr-Iz

E kêr Vontroulez, pe 'leh all,
E oa, eur vech, eur chakal fall,
Marlonk ha kriz, louz e varo
O tanta feulz eur horv maro.

Ar horvou maro a zo sakr
Ha n'eus nemed koz loened hakr
Euz ar seurt gouenn a hellfe dont
D'o zaotra vil, heb mez na spont.

Hemañ, eur chakal a ziou har,
E galon lor gwerzet, heb mar,
D'an estren yen, 'vid arhant brein,
War-lerh e daol, 'sav penn ha kein.

Gwechall e rae brao da "Stur",
Met furroh 'kavas, a-dra-sur,
Abaoe krenn 'n em ziluzia
Diouz ar seurt tud, kuit da ruzia.

"Potius mori quam foedari"
Ar chakal ne deo mui nazi,
Na kar zoken da "Vreiz Atao",
Rag "Ouest-France" n'henn kavje brao.

En em zasprena e oa red
Ha da Vro-Hall diskouez e hred.
Setu perag, evid arhant,
War Vreiz e staotas dizamant.

P'e-noe war Vreiz staotet e vez,
Ar chakal koz 'yeas d'eur bez,
Kounnaret oll, oh ober beh,
Da grignad eskern gwenn ha seh.

Relegenn vraz al Leon Meur
A grede dezan 'oa an eur
Da flastra munut, diastal,
Da lakaad ober kaoh chakal.

D'al loen eo bet korvad re vraz
Keusteurenn poultr an eskern kraz
Ha diwar-ze 'krevo, moarvad,
Pez vo da Vreiz eur helou mad.

Ha brud al Leon ... 'vo bepred
Kerkoulz ha kent divent er bed,
Tra 'vo ar houn euz al loen yud
Kollet da vad e-touez an dud !!!

(Kinniget heb doujans, gand eun emolher loened fero, d'eur gour vil lezanvet "Ar Chakal". - Ar gwir en deus pep den da vurtella ha da bismiga "BARZAZ BREIZ" hag e oberour evel ma plij gantan, met n'eo ket kement-se eun digarez da saotra BREIZ e-giz ma ra "Ar Chakal", gwir drubard d'e Vro.)